

Ser 16

K44.20 8*

1/3

published in
Mudededzi II
pp. 73-77

0-2b

Told and written by Magdalena J. Mugivhi.

date 2-11-1937

Gwamasenga na vhana vhawe.

1 Lushaka lwa Vhalaudzi lu bva Vhukalanga. Muhulwane wavho e Gwamasenga. Vho vha vha tshi dzula na Thoho-ya-ndou, nwana wa khaladzi ya mukalaha Gwamasenga. Vha takuwa Vhukalanga vha swika Dzata, vha fhaṭa hone.

2 Hu si kale-kale Thoho-ya-ndou a amba na malume wawe a ri: Khwine u tshi yo u dzula Tshinavhini u nga ḑo mbangisa vuhosi. Nangoho malume awe nga u ofha, a ita zwe a vhudzwa. A ya a dzula Tshinavhini a vhusa hone.

3 Ene Thoho-ya-ndou a ya a dzula Tshirululuni a vhusa hone.

4 Gwamasenga o vha e na vharwa vhaṭanu. Ndi Masia, Tshipetana, Ne-Tshimbupfe, Ne-Tshivhulani na Ne-Tshisahulu. Vhana vhenevho vhoṭhe vha kovhelwa zwishango uri vha vhuse. Na zwino madzina avho a kha ḑi ḑivhiwa nga eneo mashango.

5 Mukalaha Gwamasenga, nga mbiti dze a pandelwa Dzata nga nwana wa khaladzi awe, a onesa vhana vhawe, a ri: "Ndi kha ḑi enda ndi tshi nyaga manwe mashango." A takuwa na vhadinda vhawe, na nwana wawe muthihi ene Tshipetana. Honou o vha ene o tovhelaho tanzhe. O rola ene nge a aluwa a tshi mu thetshelisa. Vha tshimbila vha swika Ha Mutsha, vha wana shango la hone li tshi vhuswa nga Vhangona, li lavho. Na hone li lithihi na la

Tsianda/...

- 2 -

Tsianda. A da a lwa navho, a vha kunda a vha rolela shango, la vha lawe.

6 O no vha khosi ya Ha-Mutsha na Tsianda minwahanyana ene mukalaha Gwamasenga a dzama, onoula murwa wawe Tshipetana a sala vhudzuloni hawe.

7 Linwe divha ha da vhanwe vhathu vha no pfi vha Lwamondo vha ri: "Ri humbela uri u sa ri ite unga vhathu vha dziṭholi shangoni lau, ro tou da nga u zwima dziphukha." Tshipetana a ri: "Rangani u yo vhulaha mapfene ngei nṭha ha thavha ila ndapfu-ha." Vha tenda. Vha tshi swika vha wana hu ha vhuḍi. Hu fhethu ha vkhukhudo vhunzhi. Vha langana u fhaṭa mishasha yavho ha mbo ḍi vha hayani. Tshipetana a tshi zwi vhona a tshenuwa a ri: "Ha, vhulenda vhu a vhulahisa! Vhazwimi vha vho nga u ri thubela shango." A mbo ḍi takuwa a ya Tshirululuni ha muzwala wawe ene Thoho-ya-ndou a mu anetshela zwenezwo.

8 Thoho-ya-ndou a kuvhanganya vhathu vha u lwa navho. Vha tshi swika, vha Lwamondo nga u vhona vhe si gathi, vha ri ri a luvha nga nanga dza ndou.

9 Thoho-ya-ndou na Tshipetana vha vha kumedza lenelo shango. La vho pfi: Lwamondo.

10 Thoho-ya-ndou a vhuzelela hayani hawe. Tshipetana a vhuzelela hawe-vho. Mukalaha ene Thoho-ya-ndou na ene a dzama. Vharwa vhawe vha vhagelana vuhosi, Tshivhasa na Ramabulana vha lwa. Nndwa ya fhela nga u vha vha fhandukanya mashango.

Tshivhasa/...

- 3 -

Tshivhasa a vhusa thungo ya dasi, Ramabulana a vhusa thungo ya nnt̃ha. Ngeno Tsianda na hone mativha a xa. Ra vho pfa nga zwickona zwi tshi lila, ra vhudzwa uri Tshipetana o dzama.

11 Ha dzhena murwa wawe Dingana. Hone hoyu o vha o patekana vhutanzhe na na vhupedzi, e n̄wana muthihi henefho kha n̄du ya vhukoma. Nangoho onoyu ho ngo vhuya a vhangisana na muthu. Maduvha a vhutshilo hawe ho vha hu na mulalo shangoni lawe.

Jan
1881

12 O fhedza a tevhela vho-khotsi awe-vho. Zwickona zwa lila. Vhathu vho tungufhala vhukuma vha tshi zwi pfa uri mativha o xa. Onoyu o sia vharwa vhawe vhavhili. Madzina avho ndi Mugivhi na Mukhesi.

Sept
1882
Tshipindula

13 Vhenevho vho vusa nndwa khulu. Vha lwa nga maanda. Nndwa ya vha khulusa. Ndi n̄waha he ha fhira naledzi khulu. Vha lwa nga mbiti ha vhuya ha ita na u da maswolo a Maisimane a da u lamulela.

14 Ha wanala uri Mukhesi o fhedza vhathu vhanzhisa vha shangoni la mukomana wawe, ngauri o vha o laedza vhathu vhawe uri vha vha lalele vhusiku. Vha fhedza vhathu vhanzhisa nga u vhulaha nga pfumo.

15 Ndi hone Tshiwawa a tshi fara Mukhesi a mu isa kothoni. Vha fhandula shengo nga vhukati. La dasi vha nea Mugivhi hone Ha-Mutsha. La n̄tha vha nea Mukhesi lone la Tsianda.

16 Vhenevho vho no dzama ho sala vhana vhavho, Khavhagali Mugivhi wa Ha-Mutsha, Malithaba Mukhesi wa Tsianda. Vhenevho vha kha di vhusa na namusi. Vha a pfana a vha tshe na na vhuswina ha vho-khotsi-avho.

—oOo—

END S 16